



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: A-III-22/25-IV
Sarajevo, 10.06.2025. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav (1) tačka b), člana 70., 87., 88., 89. i 98. stav (4) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: ZJN, člana 9., 37. i 44. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba „Nabavka kancelarijskog namještaja za potrebe Kantonalnog tužilaštva Kantona Sarajevo”, date u Zapisniku broj: A-III-22/25-III od 09.06.2025. godine, Glavna kantonalna tužiteljica donosi:

O D L U K U

o izboru najpovoljnijeg ponuđača i dodjeli ugovora za nabavku roba: „Nabavka kancelarijskog namještaja za potrebe Kantonalnog tužilaštva Kantona Sarajevo”

I

Prihvata se preporuka Komisije za javne nabavke i Ugovor za javnu nabavku roba „**Nabavka kancelarijskog namještaja za potrebe Kantonalnog tužilaštva Kantona Sarajevo**”, dodjeljuje se ponuđaču **„PROTIM” d.o.o. Sarajevo, Dobrinjske bolnice 1A, 71000 Sarajevo**, prema ponudi broj: 160/25 od 27.05.2025. godine, sa ukupnom cijenom u iznosu od **14.050,00 KM bez PDV-a, odnosno 16.438,50 KM sa PDV-om**, kao najpovoljnijem ponuđaču.

II

Ugovor o javnoj nabavci dostavit će se na potpis izabranom ponuđaču **„PROTIM” d.o.o. Sarajevo**, u roku od 10 (deset) dana od obavještanja učesnika o izboru najpovoljnijeg ponuđača (član 98. stav (4) ZJN).

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno sa upućivanjem jedinom ponuđaču koji je učestvovao u postupku javne nabavke, u skladu sa članom 70. stav (6) ZJN i člana 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24.

IV

Ova Odluka stupa na snagu danom donošenja i dostavlja se jedinom ponuđaču koji je učestvovao u postupku javne nabavke.

O b r a z l o ž e n j e

Na osnovu Odluke o pokretanju postupka javne nabavke broj: A-III-22/25-II od 21.04.2025. godine i Obavještenja o nabavci broj: 274-7-1-49-3-7/25 od 19.05.2025. godine, objavljenog na Portalu javnih nabavki, pokrenut je postupak javne nabavke roba: „Nabavka kancelarijskog namještaja za potrebe Kantonalnog tužilaštva Kantona Sarajevo“, procijenjene vrijednosti 14.100,00 KM bez PDV-a, putem Konkurentskog zahtjeva za dostavljanje ponuda.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Za predmetnu nabavku, tekst tenderske dokumentacije Konkurentskog zahtjeva ponuđači su mogli preuzeti samo putem Portala javnih nabavki. Zahtjeva za pojašnjenje tenderske dokumentacije nije bilo.

Rok za prijem ponuda bio je 02.06.2025. godine do 10:00 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 od 14.02.2024. godine (u daljem tekstu Komisija), je dana 02.06.2025. godine u 10:15 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, koji je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila je pregled i ocjenu prispijelih ponuda, te sačinila Zapisnik o pregledu i ocjeni ponuda broj: A-III-22/25-III od 09.06.2025. godine, koji je sastavni dio ove Odluke, i u kome je konstatovala sljedeće:

U ostavljenom roku, blagovremeno su pristigle dvije (2) ponude i to ponude ponuđača: **„PROTIM“ d.o.o. Sarajevo i „INTER-COM“ d.o.o. Zenica.**

Zahtjeva za pojašnjenje u ovom postupku javne nabavke nije bilo.

Pregledom i analizom dostavljene dokumentacije ponuđača, Komisija je utvrdila da su ponude ponuđača **„PROTIM“ d.o.o. Sarajevo i „INTER-COM“ d.o.o. Zenica prihvatljive** prema obliku, sadržaju, potpunosti, sposobnosti obavljanja registrovane djelatnosti, tehničke i profesionalne sposobnosti, te da ponudena vrijednost ponuda odgovara planiranim, odnosno osiguranim sredstvima.

Komisija je izvršila uvid u ponude u pogledu zadovoljavanja tehničkih uslova za predmet nabavke, zahtijevanih u tehničkoj specifikaciji, datoj u Obrascu za cijenu ponude – robe – PRILOG 2. tenderske dokumentacije Konkurentskog zahtjeva. Detaljnim pregledom ponuda je uočeno da je ponuđač „PROTIM“ d.o.o. Sarajevo za stavku 3. Obrasca za cijenu ponude – robe – PRILOG 2. u svojoj ponudi na stranici 23. Katalog sa tehničkom specifikacijom i fotografijama ponudio model stolice ISO/NR proizvođača FEF Export Import d.o.o. Sarajevo. Međutim u karakteristikama koje su dostavljene uz uzorak, pri opisu stolice je naveden model ISO/NR, dok je na kraju teksta u opisu modela naveden model ISO/CR, takođe proizvođača FEF Export Import d.o.o. Sarajevo. Takođe, ponuđač „INTER-COM“ d.o.o. Zenica je u svojoj ponudi za stavku 2. Obrasca za cijenu ponude – robe – PRILOG 2. na stranici 29. svoje ponude u dijelu Katalog roba, kao i u opisu ponudjenog uzorka, ponudio model FENIX proizvođača FEF Export Import d.o.o. Sarajevo, dok je na stranicama 39.-44. svoje ponude ponudio model FENIX/R proizvođača FEF Export Import d.o.o. Sarajevo. Komisija je odlučila da će sutradan, odnosno 03.06.2025. godine, kako bi otklonila nedoumice, uputiti zahtjev za pojašnjenje prvo proizvođaču, a naknadno i ponuđačima. Komisija je kontaktirala dana 03.06.2025. godine direktno putem e-maila proizvođača FEF Export Import d.o.o. Sarajevo, kako bi pojasnio razlike između ovih modela. Proizvođač je dana 04.06.2025. godine putem e-maila dostavio svoje pojašnjenje, u kojem stoji da je razlika između modela ISO/CR i ISO/NR, ta da model ISO/CR model sa metalnom HROMIRANOM, galvanizovanom podkonstrukcijom i cjenovno i tehnički se razlikuju jedan od drugog, a model ISO/NR ima metalnu crnu konstrukciju sa praškastim elektrostatskim nanosom boje. Takođe, proizvođač FEF Export Import d.o.o. Sarajevo je pojasnio da kada govorimo o modelu FENIX, odnosno FENIX/R, riječ je o jednom te istom modelu, odnosno model FENIX je naš standardni model koji u svojoj osnovnoj konfiguraciji uvijek ide sa

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba

rukonaslonima i sa crnom plastičnom - PVC petokrakom zvijezdom sa 5 standardnih točkica fi 50 mm, te isti model možete pronaći i pod nazivom FENIX/R, gdje je oznaka "R" dodata samo kao potvrda da je stolica sa rukonaslonima kako bi izbjegli bilo kakav mogući nesporazum.

Budući da je ponuđač "PROTIM" d.o.o. Sarajevo u svojoj ponudi na stranici 23. Katalog sa tehničkom specifikacijom i fotografijama, kao i uzorak ponudio model ISO/NR (baza obojena u crno), jedino je u karakteristikama koje su dostavljene uz uzorak na kraju teksta u opisu modela naveden model ISO/CR. Komisija je dana 04.06.2025. godine uputila putem e-maila zahtjev za pojašnjenje ponude ponuđaču "PROTIM" d.o.o. Sarajevo, sa zahtjevom da se u roku od tri dana izjasni i precizira koji model Klub stolice - stavka 3. Obrasca za cijenu ponude - robe - PRILOG 2. je ponuđen, odnosno da li se radi o tehničkoj grešci prilikom pripreme ponude.

Ponuđač "PROTIM" d.o.o. Sarajevo je u ostavljenom roku dostavio svoje pojašnjenje dana 04.06.2025. godine putem e-maila u kojem navodi:

"U našoj ponudi za stavku 3. Obrasca za cijenu ponude - robe - PRILOG 2. Klub stolica na stranici 23. Katalog sa tehničkom specifikacijom i fotografijama ponudili smo model ISO/NR, te za istu dostavili i uzorak uz ponudu, ali je u karakteristikama koje su dostavljene uz uzorak na kraju teksta u opisu modela tipografskom greškom naveden model ISO/CR. Shodno tome, jasno i nedvojbeno smo nudili klub stolicu sa oznakom ISO/NR i za istu dostavili takav i uzorak, te namjeravamo ukoliko nam ugovor bude dodijeljen isporučiti identitnu stolicu model ISO/NR prema dostavljenom uzorku."

Takode, budući da je ponuđač "INTER-COM" d.o.o. Zenica za stavku 2. Obrasca za cijenu ponude - robe - PRILOG 2. na stranici 29. svoje ponude u dijelu Katalog roba, kao i u opisu ponuđenog uzorka, ponudio model FENIX proizvođača FEF Export Import d.o.o. Sarajevo, dok je na stranicama 39.-44. svoje ponude, kao i na fotografiji ponuđene stolice na stranici 29. ponudio model FENIX/R proizvođača FEF Export Import d.o.o. Sarajevo, Komisija je dana 04.06.2025. godine putem e-maila uputila zahtjev za pojašnjenje ponude ponuđaču "INTER-COM" d.o.o. Zenica, sa zahtjevom da se u roku od tri dana izjasni i precizira koji model Radne stolice sa rukonaslonom - stavka 2. Obrasca za cijenu ponude - robe - PRILOG 2. je ponuđen, odnosno da li se radi o tehničkoj grešci prilikom pripreme ponude.

Ponuđač "INTER-COM" d.o.o. Zenica e u ostavljenom roku dostavio svoje pojašnjenje dana 04.06.2025. godine putem e-maila u kojem navodi:

"Ovim putem Vam potvrđujemo da smo Vam ponudili kancelarijsku (radnu) stolicu sa rukonaslonima proizvođača FEF Export Import d.o.o Sarajevo, model : Fenix / R, za koju je i priložen izvještaj o ispitivanju. Naime, prilikom pripreme tendera i kataloške dokumentacije kolege su greškom upisale nepotpuni naziv modela Fenix, umjesto Fenix / R. Nadam se da smo uspjeli otkloniti Vaše nedoumice."

Komisija je nastavila sa radom 04.06.2025. godine u 16:30 sati i na sastanku je prihvatila pojašnjenje ponuđača "PROTIM" d.o.o. Sarajevo i "INTER-COM" d.o.o. Zenica te utvrdila da su ponude ponuđača "PROTIM" d.o.o. Sarajevo i "INTER-COM" d.o.o. Zenica, pravilne, u skladu sa tenderskom dokumentacijom, odnosno tehničkom specifikacijom, da su primljene u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijena ponuda nije izuzetno niska (neprirodno niska). Nakon pregleda i analize dostavljenih ponuda, Komisija konstatuje da su sve dostavljene ponude prihvatljive i pravilne, te da će se e-aukcija zakazati sljedeći dan za 09.06.2025. godine u 10:00 sati.

Polazeći od gore navedenih konstatacija i činjenice da su dvije (2) blagovremeno pristigle ponude prihvatljive za ugovorni organ, Komisija je pristupila vrednovanju prihvatljivih i pravilnih ponuda, shodno utvrđenom kriteriju „najniža cijena“ tehnički zadovoljavajuće ponude, te je tabelarni pregled na osnovu navedenog kriterija - rang lista prihvatljivih i pravilnih ponuda za nabavku roba: „**Nabavka**

kancelarijskog namještaja Kantonalnog tužilaštva Kantona Sarajevo“, JRJN: 339130000-2
Kancelarijski namještaj, prema tehničkoj specifikaciji, prije održavanja e-aukcije sljedeća:

R.B.	Naziv ponuđača	Vrijednost ponude bez PDV-a (KM)
1.	INTER-COM d.o.o. Zenica, broj ponude: 00162-05/25 os 30.05.2025. godine	14.070,00 KM
2.	PROTIM d.o.o. Sarajevo, broj ponude. 160/25 od 27.05.2025. godine	14.100,00 KM

Komisija je nastavila sa radom dana 09.06.2025. godine, za kada je E-aukcija zakazana sa početkom u 10:00 sati i trajala je do 10:10 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih i pravilnih ponuda nakon e-aukcije je:

R.B.	Naziv ponuđača	Vrijednost ponude bez PDV-a
1.	PROTIM d.o.o. Sarajevo, broj ponude. 160/25 od 27.05.2025. godine	14.050,00 KM
2.	INTER-COM d.o.o. Zenica, broj ponude: 00162-05/25 os 30.05.2025. godine	14.070,00 KM

Kao prvorangirana najpovoljnija ponuda, prema kriteriju najniža cijena je ponuda izabranog ponuđača "PROTIM" d.o.o. Sarajevo, Dobrinjske bolnice 1A, 71000 Sarajevo, sa ponuđenom cijenom ponude u iznosu od 14.050,00 KM bez PDV-a, odnosno 16.438,50 KM sa PDV-om.

Cijeneći naprijed navedeno, primjenom člana 64. stav (1) tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 5 (pet) dana od dana prijema Odluke, a u skladu sa članom. 99. i 101. stav (5) tačka c) ZJN.

GLAVNA KANTONALNA TUŽILJICA

Meliha Dugalija



Dostavljeno:

- Ponuđači PROTIM d.o.o. Sarajevo i INTER-COM d.o.o. Zenica putem e-maila,
- Komisija,
- a/a.